



NOGOMETNI/FUDBALSKI SAVEZ BOSNE I HERCEGOVINE
НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ
BOSNIA AND HERZEGOVINA FOOTBALL FEDERATION

Ferhadija 30, 71000 Sarajevo
Bosna i Hercegovina
Telefon: +387 33 276 676
Fax: +387 33 444 332
www.nfsbih.ba



Broj:02-3810-3/16
Sarajevo, 04.01.2017. godine

Na osnovu člana 35. Statuta Nogometnog/Fudbalskog saveza Bosne i Hercegovine, a u skladu sa članovima 110. – 112. Pravilnika o registraciji, statusu i transferu igrača NS/FS BiH, Izvršni odbor Nogometnog/Fudbalskog saveza Bosne i Hercegovine, na sjednici održanoj 04.01.2017. godine u Sarajevu donosi **s l i j e d e ć u**

ODLUKU o naknadama za treniranje igrača

Članak 1.

Ovom Odlukom utvrđuje se način obračunavanja visine naknada za treniranje igrača na koje klubovi imaju pravo u skladu sa Pravilnikom o registraciji, statusu i transferu igrača NS/FS BiH.

Članak 2.

Naknada za treniranje igrača isplaćuje se za treniranje igrača od 12 (dvanaeste) do navršene 21 (dvadesetprve) godine života igrača i to prilikom potpisa prvog profesionalnog ugovora do navršene 23 (dvadesettreće) godine.
Ukoliko igrač potpisuje prvi profesionalni ugovor naknada se isplaćuje svim prethodnim klubovima, razmjerno vremenu provedenom u tim klubovima.
U ostalim slučajevima, naknada se isplaćuje prethodnom klubu.

Članak 3.

Pravo na naknadu imaju klubovi za igrače koji prelaze u klubove I (prve) kategorije (Premijer liga BiH) i klubove II (druge) kategorije (Prva liga NS F BiH i Prva liga FS RS).
Naknada se izračunava na period od godinu dana i na period od pola godine.

Članak 4.

Zahtjev za naknadu se može podnijeti najkasnije u roku od 2 (dvije) godine od dana objave registracije igrača za novi klub.

Članak 5.

Ukoliko igrač prelazi u klub Premijer lige BiH i zaključuje prvi profesionalni ugovor, naknada za treniranje igrača po godini provedenoj u klubu iznosi :

1. Za igrače od navršene 12 (dvanaeste) do navršene 15 (petnaeste) godine života:

- a) ukoliko igrač dolazi iz kluba IV (četvrte) kategorije (klubovi kantonalnih /županijskih, područnih i opštinskih liga, a koji imaju takmičarsku kategoriju seniora u datoj sezoni; u daljnjem tekstu:ostali klubovi) –

1.500,00 KM



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo



- b) ukoliko igrač dolazi iz kluba III (treće) kategorije (klubovi druge lige) –
2.500,00 KM
- c) ukoliko igrač dolazi iz kluba II (druge) kategorije (klubovi Prve lige NS F BiH i Prve lige FS republike Srpske; u daljnjem tekstu: klubovi entitetskih liga) –
3.000,00 KM
- d) ukoliko igrač dolazi iz kluba I (prve) kategorije (klubovi Premijer lige BiH) –
4.000,00 KM

2. Za igrače od navršene 15 (petnaeste) do navršene 18 (osamnaeste) godine života:

- a) ukoliko dolazi iz kluba IV (četvrte) kategorije – 2.500,00 KM
- b) ukoliko dolazi iz kluba III (treće) kategorije – 3.000,00 KM
- c) ukoliko dolazi iz kluba II (druge) kategorije – 5.000,00 KM
- d) ukoliko dolazi iz kluba I (prve) kategorije – 7.000,00 KM

3. Za igrače od navršene 18 (osamnaeste) do navršene 21 (dvadesetprve) godine života:

- a) ukoliko dolazi iz kluba IV (četvrte) kategorije – 4.000,00 KM
- b) ukoliko dolazi iz kluba III (treće) kategorije – 5.000,00 KM
- c) ukoliko dolazi iz kluba II (druge) kategorije – 7.000,00 KM
- d) ukoliko dolazi iz kluba I (prve) kategorije – 15.000,00 KM

Članak 6.

Ukoliko igrač prelazi u klub Prve lige NS F BiH i prve lige FS RS i s tim klubom zaključi profesionalni ugovor, naknada za treniranje igrača iznosi 80% od iznosa navedenih u čl.5. ove Odluke.

Članak 7.

Naknade iz čl. 5. i čl. 6. ove Odluke povećavaju se za 30% za igrače koji su u posljednje dvije takmičarske godine nastupili za „A“ reprezentaciju BiH na najmanje dvije utakmice u kvalifikacijama ili završnim takmičenjima svjetskog i europskog prvenstva .

Naknade iz čl. 5. i čl. 6. ove Odluke povećavaju se za 15% za igrače koji su u posljednje dvije takmičarske godine nastupili za ostale reprezentacije BiH u velikom fudbalu na najmanje dvije utakmice u kvalifikacijama i završnim takmičenjima svjetskog prvenstva i olimpijskih igara.

Pod nastupom igrača iz stava 1. i 2. ovog članka smatraju se igrači koji su počeli utakmicu, kao i igrači koji su ulazili u igru tokom utakmice.

Članak 8.

Povećanje naknade u smislu člana 7. Ove Odluke može se vršiti samo po jednom osnovu.

Članak 9.

Odluka stupa na snagu i primjenjuje se danom donošenja.



PREDSJEDNIK
Elvedin Begić, s.r.